

1. პროგრამის სახელწოდება: თეოლოგია

2. პროგრამის ხელმძღვანელი: ეპისკოპოსი იოანე (გამრეკელი).

3. მისანიჭებელი აკადემიური ხარისხი: თეოლოგიის მაგისტრი. MA in Theology

4. სამაგისტრო პროგრამაზე მიღების წინაპირობები:

- ნებისმიერი სპეციალობის (სასურველია ჰუმანიტარულ მეცნიერებათა) ბაკალავრის ხარისხი; ასევე უმაღლესი განათლების დიპლომის მქონე პირი, სასულიერო აკადემიისა და საღვთისმეტყველო ინსტიტუტის კურსდამთავრებული.
- პროგრამაზე დაშვება შესაძლებელია მხოლოდ ერთიანი სამაგისტრო გამოცდის ჩაბარების შემთხვევაში.
- საბუთების ჩაბარების თანადროულად კონკურსანტმა უნდა წარმოადგინოს 4-5 გვერდიანი რეზიუმე (ნაბეჭდი სახით, შრიფტი AcadNusx - 12 ზომა) ქვემოთ მითითებული ნუსხიდან რომელიმე ერთ თემაზე.
- თანაბარ პირობებში უპირატესობა მიენიჭება:
 - ა) სტუდენტთა სამეცნიერო კონფერენციებში მონაწილე კონკურსანტს;
 - ბ) გამოქვეყნებული რელიგიური შინაარსის ნაშრომის ავტორს.
- სტუდენტთა სამეცნიერო კონფერენციებში მონაწილეობის დამადასტურებელი დიპლომი და რელიგიური თემეტიკის მქონე პუბლიკაცია სხვა საბუთებთან ერთად უნდა იყოს წარმოდგენილი.
- სამუშაო გამოცდილების ქონა არ არის სავალდებულო;

5. სამაგისტრო პროგრამის საკვალიფიკაციო დახასიათება:

მიზნები: პროგრამის მიზანია მოამზადოს მკვლევრები და პრაქტიკოსები, რომელთაც შეეძლებათ რელიგიებისა და რელიგიური პროცესების კვლევა თანამედროვე მეთოდებით, რელიგიურ პროცესებთან დაკავშირებულ გადაწყვეტილებათა შემუშავებაში მონაწილეობის მიღება; მკვლევარები, რომლებიც შეძლებენ მსოფლიო გლობალიზაციის პროცესებზე რელიგიური ფაქტორების გავლენის შესწავლას, კულტურული და რელიგიური თავისთავადობის შენარჩუნების გზების დასახვას, რელიგიური ხასიათის პრობლემატურ საკითხთა ანალიზსა და რეკომენდაციების შემუშავებას რელიგიური ფუნდამენტალიზმისა თუ რელიგიური ფანატიზმის წინააღმდეგ.

გამოუმუშაოს მაგისტრანტს:

- გარკვეული მეთოდოლოგიური, კოგნიტური და ლინგვისტური უნარები და ინტერპერსონული კომპეტენციები, რელიგიურ, კულტურულ, ისტორიულ თუ სხვა საკითხთა განხილვისას, სხვადასხვა ეთნიკურ თუ კონფენსიურ წარმომადგენლობებსა და ცალკეულ პირებთან ურთიერთობებისას.

- ასევე სისტემური კომპეტენციები კონფერენციების, სიმპოზიუმების თუ სხვადასხვა ოფიციალური და არაოფიციალური შეხვედრების მომზადებისა და მიმდინარეობის პროცესში მიღებული თეოლოგიური ცოდნის სწორად გამოყენებისათვის.

შედეგები: სამაგისტრო პროგრამის დასრულების შემდეგ, მაგისტრი უნდა ფლობდეს ღრმა ცოდნას შემდეგ საგნებში: წმიდა წერილი; ეკლესიის ისტორია; ღვთისმეტყველება; მსოფლიო რელიგიების ისტორია; საეკლესიო სამართალი; აპოლოგეტიკა.

მაგისტრს უნდა შეეძლოს:

- თანამედროვე კვლევის მეთოდების გამოყენება, იგი უნდა იცნობდეს საღვთისმეტყველო ძირითად კატეგორიულ აპარატს და რელიგიურ პროცესებთან დაკავშირებულ საკანონმდებლო ბაზას.
- რელიგიური ხასიათის აქტუალურ საკითხთა ღრმა ანალიზი და კვლევა;
- სამეცნიერო ლიტერატურის კრიტიკული ანალიზი, წერილობითი თუ ზეპირი პრეზენტაცია, თეოლოგიური ხასიათის კომენტარების დართვა.

დასაქმების სფეროები:

- სამეცნიერო-კვლევითი ცენტრები;
- რელიგიური ცხოვრების რეგულირებასთან დაკავშირებულ სამთავრობო და არასამთავრობო დაწესებულებები;
- რელიგიური პროფილის მქონე პერიოდული გამოცემები;
- მასმედია: სატელევიზიო და რადიოგადაცემათა პროგრამები;
- საქართველოს საპატრიარქოსთან არსებული სასწავლებლები, სკოლები, საკვირაო სკოლები.

სწავლის გაგრძელების საშუალება: მაგისტრს შეეძლება სწავლის გაგრძელება შესაბამისი პროფილის მქონე დოქტურანტურაში.

სარეფერატო თემების ნუსხა:

1. პიროვნების თავისუფლების საზრისი;
2. რწმენა, ცოდნა და სამყაროს შემეცნების საკითხი;
3. ოჯახი, სკოლა, ეკლესია;
4. საქართველოს სულიერი საუნჯე;
5. "მრავალნი არიან ჩინებულ და მცირედნი რჩეულ" (ლკ. XIV, 24);
6. "ქებაა და დიდებაა ქართულისა ენისაა"
7. სიკვდილისა და სიცოცხლის არსი;
8. კულტურა და ცრუკულტურა;
9. დიდი და მცირე გონება;
10. "ჟამი ნგრევისა და ჟამი შენებისა" (ეკლესიასტე, III, 3);
11. სიხარული და მწუხარება;
12. ზეციური იერუსალიმი;
13. სული აღმაშენებელი;

14. სათნოებითი მოღვაწეობა;
15. "გალობანი სინანულისანი";
16. ღვთისგან განდგომილი მსოფლიო;
17. ახალგაზრდა და ქუჩა;
18. საქართველოს 2000-წლიანი ქრისტიანული ცხოვრების გზა;
19. ცრუ სწავლებათა მხილება;
20. სახელმწიფოსა და ეკლესიის ურთიერთმიმართება;
21. გლობალიზაცია და მართლმადიდებლური ცნობიერება;
22. "პირველითგან იყო სიტყუად" (ინ. I, 1);
23. მე ვარ ადამიანი;
24. უფლებები, მოვალეობები და პასუხისმგებლობა;
25. დრო ჩვენს ცხოვრებაში;
26. მე გეხმარები იმისათვის, რათა შენ დაეხმარო შენს თავს;
27. ბრწყინვალე აღდგომა ქრისტესი - პასეჟი.